

Ua Ib Tug Qauv Hauv Kev Siv Technology

Cov me nyuam kawm tau los ntawm qhov qog ua li lwm tus ua. Thaum koj siv lub xov tooj, tablet, los sis computer, koj tus me nyuam yuav txaus siab heev rau koj lub twj ntawd vim tias nws pom tias qhov uas saib lub screen nws tseem ceeb rau koj. Kev saib lub screen mas yog ib lub ntsiab lus uas nyuab heev. Nrog koj tus neeg ua hauj lwm tom chaw cia ntawv, tus kws kho mob, los sis tus neeg zov me nyuam tham txog seb muaj dab tsi yuav pab tau koj tsev neeg.



Ob Peb Lub Tswv Yim Uas Yuav Sim Tau

Cia koj tus me nyuam coj kev yog tias neb nyeem ntawv thiab ua si ua ke ntawm lub screen. Muab sij hawm so thiab ntsia koj tus me nyuam lub qhov muag. Rov qog cov suab thiab cov lus uas neb hnov thiab tham txog qhov neb pom ntawm lub screen, zoo tib yam nkaus li neb ua thaum nyeem ib phau ntawv ua ke.

- Saib tsev neeg cov duab los sis yeeb yaj kiab ua ke.
- Siv Skype los sis FaceTime ua ib txoj kev los tham nrog cov neeg hauv tsev neeg uas nyob deb deb.
- Nyeem cov phau ntawv ebook los sis story app ua ke--Sandra Boynton cov phau ntawv yog ib qho apps uas zoo heev!
- Nrhiav cov apps uas txhawb kom muaj kev ua si thiab siv tswv yim--sim cov apps los ntawm Sago Mini, Toca Boca, los sis Fred Rogers Center.
- Xaiv cov apps uas tsom ntsoov rau kev ua si thiab kev kawm, tsis yog cov uas muaj sij hawm tas los sis cov uas tau paj xyeem (points).

Lub Sij Hawm Saib Screen Yuav Tsum Yog Lub Sij Hawm Siv Los Nyob Ua Ke

Koj tus me nyuam kawm tau ntau los ntawm koj lub suab thiab qhov koj kov ntau dua ib lub twj technology twg. Thaum koj tus me nyuam lub qhov muag, pob ntseg, cov ntiv tes, thiab lub hlwb tab tom loj hlob, muab cov kev siv media uas zoo rau nws. Muab kev kawm lus--cov suab, cov lus sib dhos, thiab cov lus--coj los ua ib feem ntawm neb txoj kev ua si thiab kev nyeem ntawv ua ke.



Muaj ntau cov screens thiab cov twj hauv peb lub neej, tiam sis tsis muaj ib qho pov thawj tias kev siv screen media pab tau cov me nyuam muaj hnuv nyoog 3 xyoos rov hauv. Tej zaum nws tseem yuav yog ib qho ua phem tau thaum uas qhov ntawd txo lub sij hawm uas koj tus me nyuam siv los ua qhov uas nws nyiam ua tshaj plaws--qhov ntawd yog los nrog koj ua si thiab sib tham ua ke!

Npaj ib lub hom phiaj rau tsev neeg kev siv media hais txog seb thaum twg mam li siv tau lub screen. Tib yam nkaus li qhov uas koj xaiv seb yuav saib phau ntawv twg nrog koj tus me nyuam, koj yuav xaiv tau seb yuav saib dab tsi hauv qhov screen, muab lub sij hawm siv screen coj los siv kom sib npaug nrog lwm cov kev ua si, thiab ua raws li qhov koj tus me nyuam nyiam. Koj yog koj tus me nyuam tus kws qhia ntawv tseem ceeb tshaj, li no muab lub sij hawm saib qhov screen coj los ua ib txoj kev ua si thiab nyeem ntawv ua ke.



GrowingWisconsinReaders.org